


Aruba Mural Projects cu su prome 5 murayanan cu obra di nos artistanan local



Den un esfuerso pa resalta San Nicolas como e centro di nos herencia cultural, Ministerio di Cultura a tuma e iniciativa lansa un proyecto yama Aruba Mural Projects cu e vision pa promove arte y cultura den nos comunidad. AMP ta arte publico cu e intencion pa amplia accesibilidad di arte y cultura na henter nos comunidad y bishitantenan. Aruba Mural Projects a ricibi colab-

oracion di Departamento di Cultura y sosten financiero di UNOCA y AAA.

Diahuebs anochi den un ambiente unico a devela e prome 5 murayanan di e proyecto di AMP. Obranen crea pa 4 diferente artistanan local.

Artistanan manera Glenda Heyliger, Nigel Matthew Armando Goedgedrag y Rudyomar Leysner. Un encuentro di diferente generacion trah-



ando hunto y traspasa experiencia y talento pa nos futuro generacion. Ya caba hopi ta esnan cu ta sacando potret na e murayanan aki y compartiendo esaki riba rednan social.

Ta sumamente interesante pa tende e inspiracion tras di cada un di e murayanan aki. Por ehempel esun di Armando Goedgedrag cu ta comparti cu nos cu e concepto ta basa riba e filosofia di San Nicolas como e Sunrise City. Sr. Goedgedrag a keda inspira pa algun icono monumental den e distrito manera Charlies Bar, Watertoren, Misa Santa Teresita y tambe

e Anker na Seroe Colorado. Armando su obra sigur a haya hopi atencion.

Rudyomar Leysner cu ta un di e artistanan hoben a keda inspira pa naturalesa. E la basa su arte riba e mata yama Brasil cual Aruba tabata exporta.

Den su obra e la purba di trece un conexion di pasado cu presente promedio di un camara polaroid, sacando potret di monumentonan.

Cada un muraya cu su storia. Henter comunidad ta keda cordial-



mente invita pa pasa y aprecia e bunita obranan aki treciendo asina arte mas cerca di cada un di nos.

Esaki ta e prome fase y por spera mucho mas di Aruba Mural Projects! ☐

